



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Friderici Forneri Theologiae Doctoris Canonici Ecclesiae  
Collegiatæ diui Stephani Bambergæ, De Temulentia  
Malo, Eiusque Remediis, Variis Item Scitv Ivcvndissimis,  
nec non vtilissimis de rebus, quæ in ...**

**Förner, Friedrich**

**Ingolstadii, 1603**

Cap. XIX. Temulentia corporibus humanis deformitatem inducit.

**urn:nbn:de:hbz:466:1-45433**

laute agatis, vbi senectutis hyems ingruet, omnibus, quæ ad victum vitamq; necessaria sunt, absumptis, perpetua esurie sitique, omnium ludibrio expositi, pereatis.

CAPVT XIX.

*Temulentia corporibus humanis deformitatem inducit.*

AD vmbilicum iam, & fastigiũ perducta sum-  
 mum, est, illa ostensio, *Fortunæ bonis, honori, famæ, existimationi, ac rei quoque domestice ab ebrietate, quàm plurimum noceri.* nunc ad corporis bona, vt *Formæ venustatem, robur ac firmitatem, ad vitam ipsam, qua nihil charius, nihil preciosius, ex ordine veniendum, vt patescat, non minus hisce infestant esse temulentiam, quàm illis.*

Id primò indubitatum statuito, Formæ elegantiam, vsu potationum crebriori, protinus vitari, cum enim fumis caput ac cerebrum obnubilantur, inflammatur vultus, & ignescit, oculorum palpebræ contrahuntur, pupillæ, è cerebro stillante affatim humore, in quem vini vapor solutus est, opplentur, extendunturq; vt solito magis promineant, toruūque ac trucem faciant vultus aspectum, instar hirci mactati, aut leporis interfecti. Proinde Plato, vt *a Lib. 2. de occultis naturæ mirabili. li. 7. c. 2.* uinus Lemnius & b Fulgosus scribunt, *salubri consilio hortabatur ebrios, vt se iam vino madidos, in speculo lustrarent, existimans, quod res est, fæditate spectaculi terribis, confestim ab ebrietate recessuros.*

*Venustas formæ leditur ab Temulentia.*

*a Lib. 2. de occultis naturæ mirabili. li. 7. c. 2.*

*Solutio tacite obiectionis.*

At illa, inquires, cum crapula euanescit deformitas. Eia, partim concessum esto. sed vicissim ego. an non faciei pallor? annon macies? annon pustulara per sepe, atque vstulata, cupreæ instar laminæ, quibusdam

busdam, quasi gemmularum internodiis, arata atq; exasperata, frontis ac maxillarum cutis? annon oculorum humiditas & hebetatio? annon halitus factor, & nescio quæ fæces remanent? nonnullis verò

Venter  
unde di-  
ctus.

venter, quem à vento dictum volunt, ita tumescit abdomine, ut vterum gestare videantur, aut potius inflatum virem. sed velut vento distenta vesica, ac puncta, statim detumescit: Ita vestri vtres, ô temulenti, aculeo mortis, lethaliter perforati, breui flaccescent, & computrescent. macte agite, & pergite. Vermibus insigne epulum, studiosè parate.

7. de arte a-  
mandi.

Addo & verè. Formam non solùm, sed & naturalem totius corporis vigorem, eneruat Ebrietas. Hinc Ovidius.

*Vino Forma perit, vino corrumpitur atas.*

Lib. 7. Sa-  
turnal.  
Temulen-  
ti citius se-  
nescunt.

Et Macrobius. *Qui autem sunt crebrò ebrij, citò senescunt, alij ante tempus competentis atatis, aut caluitio aut canitie insigniuntur, quæ non nisi defectu caloris eueniunt ab Ebrietate extincti.*

L. de plan-  
tat. Noë.

Et membra quoq; omnia, interdum aut incompositis agitantur motibus, aut elanguescunt, demittuntur & in terrâ turpiter defluunt, ac prosternuntur, aut Exemplo Noë, illa quæ natura vult occulta esse, nudantur. *Qui enim haurit vinum immoderatius inquit PhiloIudæus. impos sui factus, aberrabit facile; nec manus solùm sicut athletæ victi, demittet, sed. ceruice quoq; ac capite defluente, genuque labante pessum eunte toto corpore, procidet. ex quo inconcinno corporis situ, plurimos occasionem mali quippiam cogitandi, aut machinandi hausisse, non ambigendum, atq;*

Lib. de He-  
lia & ie-  
iun. cap. 5.

*id S. Ambrosius quoq; prospexit, & carpsit. Non illis ait, solis nocent vina quos tentant, sed & illis amplius, quorum oculis temulenta aliorum membra nudantur.*

*hinc*

hinc risus irreuerens nascitur, hinc libido flammatur, ut multo maiore temulentia eos vina perturbent, quorum oculos ac mentes inebriauerint, quam quorum membra prostrauerint. hæc Ambrosius commodè non minus, quam sanctè.

Age hic palum figo, turpes eiusmodi Cyclopes, temulentia deformati, ubiuis locorum, præcipuè in aulis principum, tibi occurrent. spectato eos ac detestator, ut æquum est, ac tu voles.

## CAPVT XX.

*Graues ac varij morbi è Temulentia promanant.*

EST reuera infelicissimum hominum genus, quod ita Ebrietate præter omnem modum delectatur, ut ea nihil potius habeat, nihil antiquius in deliciis, hæc enim, ut animi grauissima detrimenta iam taceamus, tot mala, tot incommoda, tot pestes progignit corporibus, ut vel ob ea, si nil aliud noxæ sublateret, præcauenda, omnis vini vsus immoderatio, eiurandus foret. quid ni? venenum quoduis aut toxicum, annon fugis? annon detestaris? annon id facile eiuraris? est Ebrietas corporis toxicum, est sanitatis venenum. Et plus est quam toxicum, quam venenum. hæc enim præcognita reii-

*Temulentia toxicum corporis humani.*

*Eccles. 37.*

*Eccles. 1.*

sumus, abhorremus, repudiamus; Temulentiam vsq; ad eò nociuam scimus, experti sumus, vsu docti sumus ut plures crapula perierint, quam gladio, non tamen respuimus, non dimittimus, non exhorrescimus. Et huiusmodi quidem *stultorum infinitus est numerus*, qui nec aliorum Exemplis imbuti, nec suo malo eruditi vel ferius cum Phrygibus tandem sapere velint.

Aiunt medici humani corporis firmitatè ac bonà habitudinè, in humorù adæquatione, & quadam